

## ALMANAK 2009

**Die pragtige almanak vir 2009  
wat beskikbaar is by die deure groet u met  
die mooiste wense vir 2009.**

**Mag dit vir u almal 'n vreugdevolle  
jaar wees.**

**Ons is baie dank verskuldig aan Rian en  
Wena Greyling van Sunnyprint en hulle  
personeel vir die flinke diens.**

**LIEN ...**

**Aan jou 'n spesiale woord van dank  
vir die ontwerp van die voorblad  
en sommer ook vir al die ander werkies  
wat tussenin gekom het!**



## Ned Geref Gemeente Lyttelton-Oos FAMILIENUUS Sondag, 7 Desember 2008 Hartlik welkom in die erediens vanoggend

Webtuiste: [www.lytteltonoos.org.za](http://www.lytteltonoos.org.za) | Blog: [www.lytteltonoos.org.za/blog](http://www.lytteltonoos.org.za/blog)

### SONDAG, 7 DESEMBER

#### Tweede Sondag in Advent

08:00 Voorbidding in bo-kamer. Almal  
welkom  
09:00 Erediens: Freddie Schoeman

### SONDAG, 14 DESEMBER

#### Derde Sondag in Advent

08:00 Voorbidding in bo-kamer. Almal  
welkom  
09:00 Erediens: Freddie Schoeman

### DINSDAG, 16 DESEMBER

#### Versoeningsdag/Geloftedag

### SONDAG 21 DESEMBER

08:00 Voorbidding in bo-kamer. Almal  
welkom  
09:00 Erediens: Freddie Schoeman

### WOENSDAG, 24 DESEMBER

#### Oukersdag

19:00 Oukersdiens: Freddie Schoeman

### DONDERDAG, 25 DESEMBER

#### Kersfees

#### Kollekte Bybelverspreiding

08:00 Kersfeesdiens: Freddie Schoeman

### VRYDAG, 26 DESEMBER

#### Welwillendheidsdag

### WOENSDAG, 31 DESEMBER

#### Deurkollekte Bybelverspreiding

23:30 Middernagdiens

### NUWE INTREKKERS

Ons wil graag nuwe intrekkers ontmoet.  
Kom ons kry mekaar voor die kansel net na  
die diens vanoggend verby is.

### VOORBIDDING

1. Arie, Tania en Anrie Roos, Cantonments-  
weg 1 met Arie wat 'n be-langrike  
operasie ondergaan het (Blok 2).
2. Gerhard en Charn Broekhuizen, Hans  
StrijdomIn 9 met Charn wat 'n heup-  
operasie onder-gaan het en tuis aansterk  
(Blok 4).
3. Bets Redelinghuys, Ridgewood 33 wat  
tans 'n terugslag ervaar. Sterkte aan  
haar, ons hoop dit sal spoedig opklaar.
4. Adolf Crafford, Hans StrijdomIn 182 wat  
Dinsdag 'n operasie ondergaan het. Hy  
sal DV volgende jaar Junie/Julie 'n niero-  
orplanting ondergaan. (Blok 2).

**Aan lidmate wat met vakansie  
vertrek, veilig ry en veilig  
tuiskom**

### GELOFTEFEES TE ROOIHUISKRAAL

Daar word weer vanjaar 'n Gelofte-fees te Rooihuiskraalterrein gehou. Hierdie fees is 'n  
betreklik jong fees, maar wat vanweë die uitbreiding van woonbuurte ten suide van Pretoria,  
jaarliks 'n groei toon.

Ons is bewus daarvan dat baie gemeentes op Geloftedag 'n erediens hou. Sommige mense  
voel egter dat hulle vir die geleentheid saam met volksgenote uit ander kerke fees wil hou  
wat iets meer as net 'n erediens behels. Die fees op Rooihuiskraal is so 'n geleentheid.

Na die fees wat van 9 tot 11 duur, is daar geleentheid vir mense om gesellig saam te  
verkeer rondom 'n piekniekmandjie.

Baie dankie vir u samewerking

Ds Wilhelm Steyn : Voorsitter

Tel 083 448 2134, 011 970 4010 (k) en 012 348 2932(h)

# WOORDWYSER



'n Mens se brein is 'n snaakse ding: ons verstaan dikwels iets eers regtig as ons die groter prentjie sien. As ons wil weet presies wáár 'n legkaartstukkie inpas moet ons na die afbeelding op die voorkant kyk.

## 2009

'n Bybelvers is baie soos 'n legkaartstukkie. Ons sukkel soms om 'n stukkie uit die Bybel te verstaan as ons nie weet waar dit in die groot legkaart van die geskiedenis inpas nie.

Om die Bybelleser te help om die groot prentjie van die Bybel se ontstaanstyd raak te sien bied die Woordwyser Bybel in Konteks die volgende:

'n Dag-tot-dag Bybelleesprogram vir ernstige Bybel-lesers. Dit bevat:

- Deeglike inleidings en agtergrondsketse.
- Verklarings van korter gedeeltes (in dagstukkie-formaat).
- Riglyne vir kleingroepriglyne gebaseer op die luistersiklus van die Seisoen van Luister.
- Agtergrond oor die verskillende seisoene van die kerklike jaar.

Eksegetiese en liturgiese riglyne vir gemeentelidmers. Dit bevat:

- Verdere agtergrondinligting en preeksketse vir elke Sondag van die jaar.
- Voorstelle vir die inrigting van eredienste wat aansluit by die preekskets.
- Voorstelle vir die aanbied van kinderboodskappe gebaseer op die preeksketse.
- Visuele materiaal vir gebruik in die erediens op die meegaande CD. (Opsioneel)
- Nuutgeskepte liedere vir lopiesing en aanbidding.

Die Bybel is 'n bundel antieke dokumente wat vir die moderne mense soms moeilik is om te verstaan. Die Woordwyser II Bybel in Konteks wil die gelowige Bybelleser help om God se stem helder en duidelik te hoor deur die konteks van die Bybelgeskrifte te ontsluit.

Bybelleesprogram: R90

Eksegetiese Riglyne: R110 (CD: R45)

Bestellings: Freddie Schoeman (0126643751 / 084-581-8139 of stuur 'n e-pos aan:

fredschoeman@mweb.co.za of besoek: [www.sinoos.co.za](http://www.sinoos.co.za)

## SOEK U 'n PRAKTIESE ...

### EN EETBARE GESKENK?!

Rachel Maartens deur wie ons die droë vrugte- en neutte fonds-insamelingsprojek bekom het, maak ook nou geskenkpakkies (u hoef dit nie eers self te versier nie!). U kies self die neutte en vrugte en sy sit biltong by.

Die prys is R100.00 per geskenk.

Plaas u bestelling by Max Amsenga (012 664-3629) voor 14 Desember vir aflewering 18 Desember.

**Indien u klein hoeveelhede droë vrugte of neutte wil bestel, daar is bestelvorms in die banke of by die deure.**

## BAIE DANKIE ...

Aan almal wat deur die jaar vir ons bydraes en hulp verleen het met die "Familienuus" ons hartlike dank.

'n Spesiale woord van dank aan diegene wat die moeite gedoen het om vir lidmate wat nie in die kerk kan kom nie, 'n afskrif van "Familienuus" te gee. Hierdie gebaar hou hierdie lidmate dan ook op hoogte van wat in die gemeente gebeur.

## Kersfees



Die wonder van God wat mens word en in ons mensewees en in ons situasie en in ons lewens kom inklim ... dis die wonder van Kersfees! God se oorweldigende liefde vir elkeen van ons dring Hom daartoe om dit te doen. Mag elkeen in Lyttelton-Oos hierdie Kersfees God as Immanuel (God by ons) ervaar en mag die liefde, vreugde en vrede van God met ons almal wees.

*"Eer aan God in die hoogste hemel, en vrede op aarde vir die mense in wie Hy 'n welbehag het!" (Lukas 2:14)*

**Freddie, Alma en gesin.**

### FEESBUNDEL

Die feesbundel is beskikbaar by Max Amsenga, Krugerlaan 286 (664-3629) en ook by die inligtingstoonbank in die voorportaal van die gemeentesentrum. Die prys is R100 per eksemplaar.

**Persone wat bestellings geplaas het word versoek om dit asseblief af te haal.**

**Daar is 21 bestellings wat nog nie afgehaal is nie. GROOT ASSEBLIEF!**

### KERKKANTOOR

DIE KERKKANTOOR SAL GESLUIT WEES VANAF  
MAANDAG, 22 DESEMBER 2008 EN OPEN WEER OP  
MAANDAG 5 JANUARIE 2009

### VEILIGHEIDSWENKE OOR DIE VAKANSIETYDPERK

- ◆ Staak alle aflewings na u woning of tref reëlins dat iemand teenwoordig is tydens die aflewings.
- ◆ Hou u posbus leeg of reël met iemand om dit gereeld leeg te maak.
- ◆ Stel die volume van u huisfoon af sodat dit nie onnodige aandag trek vanaf die straat indien dit sou aanhou lui nie.
- ◆ Ontkoppel die deurklokkie om misdadigers die geleentheid te ontnem om vas te stel of daar mense by die huis is.
- ◆ Laai u vakansiebagasie so onopsigtelik as moontlik in u voertuig om sodoende die minste aandag te trek.
- ◆ Indien daar nie 'n huisoppasser gaan wees nie, sorg dat dit lyk asof daar wel mense tuis is. (Hou die tuin netjies en skakel verskillende ligte op verskillende aande aan).
- ◆ Lig net die nodige mense in dat u gaan weg wees.
- ◆ Verseker dat alle elektriese bybehore uitgeprop is om sodoende brandrisiko's en weerligskade te verminder.
- ◆ Verseker dat alle deure en vensters toe is alvorens u vertrek en stel die alarm.
- ◆ Vra bure om 'n ogie oor u huis te hou.
- ◆ Indien nodig, betaal u water- en elektrisiteitsrekening vooruit.
- ◆ Sluit alle juwele en duur eiendom op 'n veilige plek toe.

### HERSTELWERK AAN GEBOUE

Ons wil graag trots wees op ons gemeente se fasiliteite! Daarom is daar 'n paar klein herstelwerkies wat gedoen moet word. As jy bereid is om van hierdie take op jou te neem, bepaal 'n prys en skakel dan met Tania (083 408 0860) of Arie (082 578 6595). Die dringendste werk is die volgende:

- ◆ Dit trappe in die saal wat na die parkeerarea lei.
- ◆ Die konsertina skuifdeure in die saal: diens en skoonmaak
- ◆ Dameskleedkamer in saal: toilette is gevlek, al drie lek en kort nuwe sitplekke
- ◆ Manskleedkamer in saal: toilette gevlek, gebreekte wasbak, pypwerk, toilette onder die verhoog lek ook
- ◆ Gebreekte ruite in saal

Soos wat die werk vorder, sal daar nog behoeftes bepaal word.

## IS JY BESIG OM GEESTELIK TE GROEI?

### Is jy besig om God se liefde te ontdek?

- Ek verstaan dat God my onvoorwaardelik liefhet en sy Seun gestuur het om in my plek vir my sondes te sterf en dat ek sy liefde nie hoef te probeer verdien nie.
- Omdat God my liefhet en my vergewe, vergewe ek ook my broers en susters as hulle my te na gekom het.
- Ek is besig / toegerus daarvoor om vir ander mense van God se liefde in woorde en daade te verteel en nooi gereeld ander om ons gemeente te besoek.

### Is jy besig om jou geestelike familie te ontdek?

- Ek besef dat God my Vader is en dat ek deel van sy huisgesin is. Daarom vertrou ek op Hom vir al my behoeftes.
- Ek dra die belange en behoeftes van my broers en susters in die huisgesin op die hart en help daarom aktief om hulle te versorg en troos en laat ook toe dat hulle my versorg en troos.
- Ek help aktief om alle besoekers en nuwe lidmate te verwelkom en help om hulle so vinnig as moontlik te betrek en in te skakel.

### Is jy besig om te ontdek wat dit is om saam met God te leef?

- Ek verdiep my verhouding met God deur gereeld in my binnekamer tyd in gebed, Skrifstudie en nadenke deur te bring en ook ander maniere van geestelike verdieping te ontdek.
- Ek help om my broers en susters se verhouding met God te versterk deur gereeld saam met hulle te aanbid in die erediens en ook voorbidding vir hulle te doen.
- Ek verheerlik God elke dag van die week en op elke plek waar ek kom deur dit wat ek doen, dink en sê en is bereid om op te staan vir vrede, geregtigheid en liefde.

### Is jy besig om te ontdek wat jou potensiaal is?

- Ek laat elke dag toe dat die Gees my al hoe meer vernuwe sodat sy vrug al hoe meer in my lewe sigbaar word. (Gal 5:16-25)
- Ek weet presies wat my gawes en talente is en hoe ek dit kan gebruik om die lewens van my broers en susters te verryk. (Ef 2:10; Heb 10:23-25)
- Ek lê myself elke dag daarop toe om my gawes en talente te gebruik om my wêreld te verbeter deur sout (smaakgewend, bederfwerend en helend) en lig te wees. (Ef 2:10; Matt 5:13-16)

### Is jy besig om jou lewensroeping te ontdek?

- Ek weet wat God se plan met die wêreld is en het myself daartoe verbind om my rol in die uitvoering daarvan te speel. (Jesaja 2:2-4)
- Ek vervul my funksie binne die liggaam van Christus volgens my gawes en talente en stel my tyd en hulpbronne tot opbou van die gemeene beskikbaar. (Ef 4:16)
- Ek weet wat my lewensroeping is en is besig om dit te verwesenlik.  
lewensvreugde lewensvrede lewenskrag lewensvernuwing lewensvervulling

## Belangrike datums en aktiwiteite:

### KERSFEES:

**Oukersdiens:** Woensdag 24 Desember 19:00

**Kersdiens:** Donderdag 25 Desember 08:00

*Kom saam om as gesin, vriende of familie Kersfees op die tradisionele manier te vier.*



### BELYDENISKLASKAMP

**9-11 Januarie 2009**

*Dis belangrik dat almal wat hierdie jaar belydenis van geloof wil aflê hierdie kamp sal bywoon.*

Skakel met Freddie Schoeman 0845818139 of Kruge Roeloffze 0824177649 vir meer besonderhede.

### WEEK VAN GEBED

**26-29 Januarie 2009**

*Kerkgebou sal elkeen van die dae beskikbaar wees vanaf 18:00-20:00. Kom en gaan volgens behoefte.*

Kom bid saam vir jouself, jou gesin en familie, jou gemeente en jou land en alles wat die Here op hart plaas vir 2009. Leraar sal ook beskikbaar wees om saam met jou te bid indien verlang.

### WOORDWYSER BYBELSKOOL

***Kom ontdek en die diep en ryk inhoud van die Bybel op 'n verrassend nuwe manier!***

Agt geleenthede deur die loop van 2009:

24 Januarie / 28 Februarie / 16 Mei / 20 Junie / 25 Julie / 12 September / 17 Oktober / 14 November

### WEN MET MENSE

***'n Twee-dag seminaar om jou te help om jouself te verstaan en ander emosioneel by te staan.***

***31 Januarie en 7 Februarie***